

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA HAMSINI**

**13 JUNI, 2018**



# ORODHA YA SHUGHULI ZA LEO

---

## MKUTANO WA KUMI NA MOJA

KIKAO CHA HAMSINI – TAREHE 13 JUNI, 2018

I. DUA:

II. MASWALI:

OFISI YA RAIS (TAMISEMI):

**424. MHESHIMIWA SHAABANI OMARI  
SHEKILINDI (LUSHOTO):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Lushoto ina Hospitali moja ya Wilaya ambayo inabeba mzigo mkubwa sana wa watu; Aidha, Wodi ya Wajawazito ni chumba kidogo sana na hakuna kabisa Wodi ya Mama na Mtoto:-

Je, ni lini Serikali itajenga vyumba hivyo.

**425. MHESHIMIWA ANNA RICHARD LUPEMBE  
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itajenga Kituo cha Afya Mwese.

**426. MHESHIMIWA ALMAS ATHUMAN MAIGE  
(TABORA KASKAZINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Zahanati ya Migungumano Kata ya Usagari Uyui ilijengwa kwa maandalizi ya kuwa Kituo cha Afya na kufunguliwa na Rais wa Awamu ya Tatu Mhe. Benjamin William Mkapa tarehe 25/11/1997 na kuahidi kuwa Zahanati hiyo itakuwa Kituo cha Afya cha Kanda ya Magharibi:-

- (a) Je, Serikali ina mipango gani ya kuikuza Zahanati hiyo ili iwe Kituo cha Afya kutokana na mahitaji na huduma zinazotolewa kuwa juu ya uwezo wa Zahanati;
- (b) Kwa kuenzi kazi na juhudi za Rais Mstaafu Mhe. Benjamin William Mkapa kufika mpaka Usagari kufungua Zahanati; Je, Waziri yuko tayari kumwomba Mhe. Rais wa Awamu ya Tano kuja kuzindua Kituo cha Afya baada ya kuipandisha hadhi Zahanati hiyo ya Migungumano.

## **WIZARA YA MAJI NA UMWAGILIAJI:**

### **427. MHESHIMIWA MWITA MWIKWABE WAITARA (UKONGA):**

Atamuuliza Mheshimiwa Waziri wa Maji na Umwagiliaji:- Jimbo la Ukonga katika Kata za Msongola, Chanika, Zingiziwa, Buyuni na Pugu kuna shida kubwa sana ya maji:-

- (a) Je, Serikali ina mpango gani wa muda mrefu wa kuondoa kero ya maji katika Kata hizo;
- (b) Je, ni lini miradi viporo vya maji na visima vyenye pampu mbovu vitafanyiwa matengenezo ili kupunguza kero ya maji Ukonga.

## **WIZARA YA AFYA, MAENDELEO YA JAMII, JINSIA, WAZEE NA WATOTO:**

### **428. MHESHIMIWA SEBASTIAN SIMON KAPUFI (MPANDA MJINI):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Mahitaji halisi ya fedha kwa ajili ya uzazi wa mpango kwa mwaka kwa sasa ni zaidi ya



Shilingi bilioni 36; katika mwaka wa fedha 2017/2018 Serikali imetenga shilingi bilioni 14:-

Je, Serikali ina mpango gani wa kutenga fedha zaidi ili kufikia kiasi kinachohitajika pia kuongeza kasi ya kuokoa maisha ya Akina Mama na Watoto chini ya umri wa miaka mitano.

**WIZARA YA MAMBO YA NDANI YA NCHI:**

**429. MHESHIMIWA ORAN MANASE NJEZA (MBEYA VIJIJINI):**

Atamuuliza Mheshimiwa Waziri wa Mambo ya Ndani ya Nchi:- Wananchi wa Jimbo la Mbeya Vijijini wanaipongeza Serikali kwa kuanzisha Wilaya ya Kipolisi Mbalizi:-

- (a) Je, ni lini ujenzi wa Ofisi ya Wilaya ya Kipolisi ya Mbalizi pamoja na nyumba za kuishi Askari zitajengwa;
- (b) Je, Wilaya ya Kipolisi ya Mbalizi ina magari mangapi na Serikali ina mpango gani wa kuboresha miundombinu ya Vituo vya Polisi katika Halmashauri ya Wilaya ya Mbeya.

## **WIZARA YA ELIMU, SAYANSI NA TEKNOLOJIA:**

### **430. MHESHIMIWA SUSAN ANSELM JEROME LYIMO (VITI MAALUM):**

Atamuuliza Mheshimiwa Waziri wa Elimu, Sayansi na Teknolojia:- Sera ya Elimu ya Mwaka 2014 inatambua Elimu Msingi kuwa ya lazima bila malipo:-

Je, Serikali inaweza kuliambia Bunge hili na Taifa kwa ujumla ni lini ulazima huu utatekelezwa kwa vitendo.

## **WIZARA YA MALIASILI NA UTALII:**

### **431. MHESHIMIWA HAMIDA MOHAMED ABDALLAH (VITI MAALUM):**

Atamuuliza Mheshimiwa Waziri wa Maliasili na Utalii:- Mgogoro wa ardhi katika Hifadhi ya Wanyamapori Selous – Kilwa umechukua nafasi kubwa kati ya Serikali na Wananchi wanaoishi karibu na Hifadhi hiyo. Mpaka halali haujulikani kwani mwaka 1974 mpaka halali ulikuwa Mto Matandu na mwaka 2010 mpaka huo ulisogezwa mpaka Bwawa la Kilurumila Kijiji cha Kikulyungu:-

Je, Serikali ipo tayari kuhakiki eneo hilo ili kutatua mgogoro uliopo kati yake na Wananchi wa Kijiji cha Kihurumile.

**WIZARA YA MIFUGO NA UVUVI:**

**432. MHESHIMIWA DKT. STEVEN LEMOMO KIRUSWA (LONGIDO):**

Atamuuliza Mheshimiwa Waziri wa Mifugo na Uvuvi:- Asilimia 95 ya eneo lote la Wilaya ya Longido hutumika kwa ufugaji na Wanyamapori. Aidha, asilimia 5 ya eneo hilo ndiyo hutumika kwa shughuli za kilimo:-

- (a) Je, Serikali ina mikakati gani ya kuendeleza Sekta ya Mifugo kwa kuzingatia kuwa Mifugo ndiyo shughuli kuu ya uchumi wa Wananchi wa Longido na Wilaya nyingine za Wafugaji nchini;
- (b) Je, ni lini Serikali itaipatia Hati ya Idhini ya Kutumia na Kusimamia (*User Rights Certificate*) Jumuiya ya Uhifadhi Wanyamapori (WMA) ya Kanda ya *Lake Natron*.

### III. AZIMIO LA BUNGE:

Azimio la Bunge la Kumpongeza Mheshimiwa Dkt. John Pombe Joseph Magufuli, Rais wa Jamhuri ya Muungano wa Tanzania, kwa Uamuzi wake wa Kuendeleza Mji wa Dodoma na Kuupa Hadhi ya Jiji.

**DODOMA**  
**13 JUNI, 2018**

**S. KAGAIGAI**  
**KATIBU WA BUNGE**

